



序

有經濟者可不必有文章而有經濟者自不能無文章蓋其孝弟備於家庭忠盡篤於朝右豐功偉績被乎當時盛德大業垂諸後世此豈待以文章傳乎然而嘉謨嘉猷則有奏疏善政善教則有文告平反冤抑則有讞語訓於家化於鄉友善天下尚論古人則有書札序引碑誌諸雜著此又豈能不以文章傳乎余自幼始知讀書卽聞當世有

鄭司直先生者抱大經濟爲時名臣竊心向往之然欲讀其文不可得後二十年

先生已作古人余以一鐸遊廣川實

先生珂里得與其諸嗣君朝夕過從而求

先生之遺文尚裒集未成也又十餘年余作吏澄江隸
先生開府舊地得沐其流風而與其嗣君結朱陳之好
更得悉其嘉言懿行久之乃快讀

先生之遺文其奏疏有侃侃大臣之節其文告讞語皆
肫肫仁人之言其諸雜著各寫其事之所可信而達
其心之所誠然無一非性情之流露此亦何嘗欲以
文章傳乎然傳其經濟而文章之必傳無疑也世之
讀是文者論世知人宜先求其經濟之大者而已文

章云乎哉

康熙五十八年歲在己亥夏五望後

賜進士出身儒林郎掌河南道事江西道監察御史起復
候補年家眷姻晚生陶彝頓首拜題

日知堂文集總目

卷一

湖南奏疏十五首

卷二

江蘇奏疏二十首

卷三

示諭公移策問共十四首

卷四

序引記共二十三首

卷五

書簡十三首

卷六

墓誌狀祭文共五首 歷履附

日知堂文集卷一

棘津鄭端司直甫



江南安徽等處承宣布政使司布政使今陞補偏沅

巡撫 臣 鄭端謹

奏為微 臣 久歷外任幸遇

聖駕南巡今蒙

恩陞任仰請

陛見再覲

天顏敬聽

聖誨以啓愚蒙以惠地方事康熙二十八年六月十一日

接吏部咨文內開爲請

旨事文選清吏司案呈奉本部送吏科抄出本部題前事

康熙二十八年五月二十一日奉

旨鄭端陞補偏沅巡撫應兼職銜爾部議奏欽此欽遵抄

部送司相應行咨爲此合咨前去煩爲欽遵查照施

行等因到臣臣隨卽恭設香案望

闕叩頭謝

恩照例詳請督撫委員署理交代外竊思臣本一介書生

由己亥科進士授翰林院庶吉士歷陞戶部郎中隨

部院諸臣不時啓奏常見

天顏自康熙十年以後歷任司道去

天漸遠欲瞻

雲就

日以遂臣子之心而奉職在外不得自由幸逢

皇上南巡臣迎

駕至金山寺親承

天語錄臣微長送

駕至燕子磯又蒙頒賜

御書端清二字臣告諸祖父傳之子孫生生世世供爲

至寶旣叨非分之榮敢不益効犬馬之力乃忽奉

簡命陞補偏沅巡撫不由

廷推不從開列格外蒙

恩獨出

聖裁感極涕零念_臣有何德能受此特達之

知惟有潔清自矢先自治而後治人勸勉屬員共求滌慮
洗心撫綏小民各令安家樂業以慰我

皇上察吏安民之意庶於職掌稍盡萬分之一但_臣愚昧

無知雖硜執自守而所見褊淺又湖南當兵燹之後
不比腹裏富庶之地其中料理事宜先後緩急之間
實非愚_臣之所能曉若不親叩

丹陛面領

聖誨以開茅塞何以知明處當而使

皇恩普遍於湖湘每聞我

皇上於文武重臣

陛辭之日

教訓數言諸臣身到地方遵奉行事無不恰中機宜心說
誠服以爲

聖天子明見萬里之外况_臣歷外任多時不比侍從諸臣

常蒙

聖訓可以朝聞

命而夕任事故懃懃懇懇望

光之念為尤切伏乞

皇上鑒此微誠允臣赴京

陛見再覲

天顏親受

教誡則地方應行事宜可以周知而犬馬戀

主之心亦得以稍遂矣臣不勝惶悚激切待

命之至為此具本謹具奏

聞伏候

勅旨

巡撫偏沅等處地方提督軍務兼理糧餉都察院右

副都御史臣鄭端謹

奏為恭謝

天恩事竊臣以鄙陋庸才蒙

皇恩特陞偏沅巡撫欽奉

簡命馳赴任所行至湖北武昌府地方恭遇湖廣提塘鄭

遇恩賚到臣坐名

勅書一道臣隨恭設香案望

闕叩頭捧受前行於九月初三日已抵長沙府駐劄衙門

除入境到任日期另疏

題報外竊思臣本一介書生遭逢

盛世不棄葑菲歷任中外三十餘年並無一長足錄乃

蒙

皇恩格外優容不但加擯斥反奉

特旨陞

臣

偏沅巡撫頒發

勅諭以專職掌跪讀之下如聞

聖訓

天威咫尺凜在目前念

臣

有何知能受此重寄卽鞠躬盡

瘁亦不足仰答

高厚惟有持廉秉公精白乃心凡有益於

國計民生者知無不行行無不力以報

皇恩於萬一耳

臣

謹具疏奏

謝伏乞

睿鑒施行

巡撫偏沅等處地方提督軍務兼理糧餉都察院右

副都御史

臣

鄭端謹

題爲恭報微臣入境到任日期仰祈

睿鑒事

臣

猥以章句腐儒蒙

皇上格外殊恩特簡偏沅巡撫因思荷此重任必須仰承
聖誨方可以開愚昧隨具疏恭請

陛見准吏部咨文奉

旨鄭端不必前來陛見該部知道欽此移咨到

臣

臣卽星

夜前赴新任於本年八月二十日至湖北武昌府地
方署巡撫事總督臣丁思孔差長沙府陞任通判王

駿中軍遊擊陳義齋送偏沅巡撫關防一顆

王令旗牌八面副到臣臣隨恭設香案望

闕叩頭祇受仍星夜前進於八月二十五日入湖南岳州府地方於九月初三日抵長沙府駐劄衙門到任受事訖除地方一切有關

國計民生事務容臣次第查理舉行外所有入境到任

日期理合

題報至前署撫臣未完案件遵照新例以臣到任日起扣算完結合并聲明伏乞

睿鑒施行

巡撫偏沅等處地方提督軍務兼理糧餉都察院右

副都御史臣鄭端謹

題爲俸工有額無支微員苦役飢寒迫切籲天請賜全

給以甦垂斃事該臣看得湖南各府州屬存留項下

官役俸工等款共額編銀一十萬一千七百七十七兩三錢二分零內除荒缺額銀三萬六千七百五十二兩二錢七分零止實徵銀六萬五千二十五兩五分零經前撫臣興永朝具

題請援閩省之例照額全給部覆以各省亦有照額全給者亦有照除荒見在實數支給者悉照舊刊全書

定例支給年久應仍照舊例支給等因檄行布政司
遵照去後今據布政司黃性震呈稱祭祀俸工等款
有荒州縣每額銀一兩止實給銀五六錢及三四錢
不等偏枯特甚仍懇援例照額支給前來臣查官役
俸工原照經費額編支給祇緣湖南田有拋荒丁有
故絕當日未分起存一槩按款扣除以致缺額如知
縣佐雜等官額編俸銀歲支不過四十五兩以及三
十餘兩今除荒則止給銀一二十兩不等各役工食
額編每名不過六七兩今除荒則止給銀二三四兩
不等一官而經年所需止得十數兩一役而終歲所

資止得二三兩委係缺乏不能足用蓋初登仕籍者
不盡皆溫飽之家與以俸薪則無謀食之憂庶人在
官者不復習農夫之業給以工食則有代耕之養倘
令枵腹從事必至假公濟私犯法而後治罪亦大負
皇上如天好生之心矣况苜蓿冷署二員而共食一俸鋪
兵苦役計程而晝夜走邁除荒之外所存幾何資生
無策更覺困苦再如祭祀一項亦照實徵治辦所支
不敷所用牲牲焉能肥腩黍稷焉能豐潔我

皇上敬神重祀憐念微員憫惜苦役諒必爲之惻然動念
但既經部覆不允不敢再望全復舊額而事屬難行

又不得不據實入

告且普天率土同爲臣子各省既有照額全給之例湖

南亦應邀一視之仁除

臣受

恩深重與兩司道府各官不比微員下吏所有俸銀應仍除荒支熟不敢分外干

請其餘州縣以下多屬遠宦孤踪並各役工食應同祭祀

等項自康熙二十八年起籲請

皇恩一槩照額全給嗣後遇有墾復荒糧及空缺俸工統歸起運充餉如此而么麼小吏爭思鼓舞奮勵以圖報効而享祀豐潔事神保民無不昭格卽典禮亦與

有光矣

臣謹具

題伏乞

睿鑒勅部議覆施行

巡撫偏沅等處地方提督軍務兼理糧餉都察院右

副都御史

臣

鄭端謹

題爲歸旗違限有因遲留原非無故祈請分別查處以
邀

皇恩事該

臣

看得漢軍官員向因卸事之後每多遷延不

肯回旗經過地方往往私自容留不行驅逐所以定
有處分之例蓋漢軍旣卸原任之事自應作速回旗
乃規避逗遛日久不歸經過地方各官自當上緊督
催乃敢徇私縱容潛住不去一體處分誠不爲枉但
旗員之中有萬不得已之情而經過遲留亦有不得

不然之勢又當分別查議難以一槩而論如旗員之貪污暴橫一掛彈章奉

旨審結立驅就道亦復何辭若夫裁缺丁憂降級解任病故人員或遇盛暑或際嚴寒或父母年逼風燭不耐長途或妻子病勢纏綿不能前進或不幸遇水火盜賊勢必求助親友如此而稍緩時日尚可支持倘刻期驅迫難免困苦再查旗員携有家口多由水路湖南限隔洞庭周圍八百餘里水天相際不遇順風勢難飛渡坐候湖濱十朝半月俱不可料此真天時之無可奈何者旗員至此欲捨舟登陸而家口衆多又

無口岸何處僱覓脚力只得停舟久候本身已違定限地方官同受處分再查旗員經過或眷口死亡或暴病求醫棺木藥物亦須製備暫畱數日此亦人情乃地方各官迫於定例自愛功名不管他人性命差役驅逐立刻出境甚至氣憤不平兩不相下交口爭鬧全無雅道此又人事出自意外而其情更苦者也

臣查當日部議原因回旗人員未定有到京之限恐在途逗遛規避所以比照赴任違限之例計日降罰分別治罪並容畱地方官一併議處在部臣既比照赴任違限之例議處而赴任違限有因取有地方官

印結報部者例得免議今回旗人員如果有疾病事
故亦宜照例取具印結報部與經過地方官一體免
議再查定例流徙人犯若遇嚴冬停其發遣此乃有
罪之人尚蒙

皇上寬恩憐憫今回旗人員多係解任之官除資斧有餘
者不議外其中有貧苦無奈時遇嚴寒亦應暫停押
解以免凍餒至於洞庭阻風歲暮封印所當按日扣
算報部開除同邀

寬典如此體恤倘再有強橫恣肆遷延規避者卽許所過
地方官據實申報輕則咨部重則

題叅加等治罪經過地方各官如果容畱狗庇不行申
報一並查叅議處則回旗人員無故不敢停畱而事
出有因者亦得邀

皇上浩蕩弘恩矣臣謹具

題伏乞

勅部議覆施行

巡撫偏沅等處地方提督軍務兼理糧餉都察院右

副都御史

臣

鄭端謹

題爲田畝侵隱不清

國計民生交病合亟通行查丈以核稅糧以正經界事
該_臣看得前撫臣之

題請丈量也原因湖南民衛田地山塘共二十八萬餘
頃該徵地丁等銀一百二十四萬餘兩今成熟田地
等項僅一十七萬餘頃實徵銀七十二萬餘兩較之
原額不及十分之六尚有五十餘萬缺混之額課未
清以致六十三州邑世守之版圖未正非清丈則不

能窮豪強欺隱之源而塞良善包賠之竇是以據布
政司黃性震條議具詳繕疏入

告部覆奉

旨遵行在案 臣 自抵任之後凜遵我

皇上潔已奉公實心任事之

俞旨不許丈量人員私派民間一錢私用民間一物諄諄

告誡節檄嚴催竊謂循行成規不難克期報竣乃據

該司詳請展限前來 臣 查丈量之役全在田野其所

用圖正弓算書于大半皆耕農之家所以舉行此法

必在農隙之後方不至妨工廢業湖南氣煖不比北

方纔及交春民間已事耕犁若於此時丈量不惟有

妨農務亦且雨水連綿原野泥濘勢所難行况前撫

臣具

題請丈部覆到楚之日已是初夏及至咨部請頒弓式

移問外省參互考較往返行查業已虛費時日及 臣

抵任漸至秋末乘時料理飛檄督催又遇冬雪異常

晴明日少是以不能如期報竣卽前撫臣具

題疏內已明說繁鉅瑣屑必至逾年完結難拘常限蓋

早計及於此矣查康熙四年江南丈量曾經會議限

文到二年內造冊

題報後該撫因限內難完又請展限部議再限文到五
個月完結今湖南丈量一案獨限一年計其農隙可
丈之時僅止數月而欲清六十三州縣未清之積弊
亦必不得之數也臣請

皇上睿鑒勅部酌議查照江南行過舊例寬展限期庶小
民得以竭力南畝不因丈量而妨農業卽奉行各官
亦得從容展盡免致迫促草率暗滋奸弊矣再查前

撫臣陞任謝

恩疏又云清丈一案行之善則利

國之事十居其四利民之事十居其六行之不善則利

國之事有司不難抑勒聚斂希承風旨而民實大病矣
苟有弊害後之人必將以開端咎臣臣之所謂中懷
多疚者此也是前撫臣已明知丈量一件關係重大
奉行之人一有疎漏則奸弊叢生物議蜂起故於旣
陞將去之際又不能不鯁鯁過慮也然欲不病民亦
別無他術必擇其害民之事而先去之則

國利而民亦利矣臣推廣前撫臣之意而未及言者約
量數端爲我

皇上陳之

一攢造魚鱗冊籍於詳明之中尤貴簡要查宋儒朱

熹曾條奏經界著有成法倣而行之則紙張筆墨可
以畧省其法始於一保大則山川道路小則人戶田
宅必要東西相連南北相照以至頃畝之濶狹水土
之高低亦須當衆共定各得其實其十保合爲一都
則其圖帳但取山水之連接與逐保之大界總數而
已不必更開人戶田宅之濶狹高下也其諸都合爲
一縣則其圖帳亦如保之於都而已不必更爲諸保
之別也如此則圖帳之費少減蓋明朝魚鱗舊冊太
繁汗牛充棟難於收拾不如前賢成法繁簡適中而
省費也然猶恐不肖有司勞民傷財莫若先聽民自
作草圖草帳而官爲買紙僱工以造正圖正帳存之
公府以備考証草圖草帳仍發還各里以爲左驗則
不至繁費病民矣伏候

聖裁

一有荒有熟州縣恐有欺隱包賠必須丈量卽全熟
州縣有人首告欺隱包賠者亦須履畝清查若全熟
州縣旣無缺額又無人首告欺隱包賠除已經奉丈
者不議外其餘未經丈完者似可免其丈量蓋古今
地土只有此數從前代相沿旣不缺額又係全熟則
不必更張使奸胥猾吏得以借口需索而前撫臣所

言抑勒聚斂之弊可杜倘百姓情愿自繪田形垂爲
永業者聽其自行丈量據實報官一體彙作魚鱗總
冊亦各隨民便之一道也伏候

聖裁

一丈量之後剩有荒地如係有主無力令其各註願
墾姓名官爲量其丁口以次酌定限期大約至十年
而止不肯自註認墾年限與無人認墾者卽爲無主
荒田按畝入官招人開墾或令弁兵屯種亦可絕借
荒影熟之弊矣伏候

聖裁

一從前安插投誠弁兵原奉部行撥給無主荒地或
有無知愚民隱熟作荒爲弁兵所挾於原撥畝數之
外多行侵占謬稱自己開墾者今旣經清丈許其自
首除弁兵應得部定畝數與買之士人立有文契者
仍聽執業外其分外多占者應歸原主以杜爭端則
兩得其平矣伏候

聖裁

一衛所歸併納糧在此州縣而田土坐落遠在別州
縣當日止因州縣衛名目相同卽行歸併而其實相
去在百里之外不便輸將小民甚以爲苦卽未裁各

衛屯地亦有散坐各州縣甚至有數百里之外者零星寫遠輸將更爲不便再查屯糧糧重賦輕民糧糧輕賦重蓋因前代屯衛原係民所不耕之地令軍屯種另立科則故與民糧科則不同今既歸併州縣軍民各照舊例便無異說乃當時間有失於查算科糧之法仍照軍額科銀之法獨照民例遂致屯田一畝而當民田二畝之稅小民控訴不止真覺困苦無聊今既清丈著爲永遠章程其屯田坐落州縣本境之內者卽宜歸本州本縣附近納糧其未裁各衛屯地散坐各州縣百里之外有情願歸州縣附納錢糧者亦宜查明一體歸併而歸縣衛田既有原立科則且衛田多仍舊例何獨於一二處參差不齊當查照軍屯原舊科則一體輸納既於額賦絲毫無損而民情大悅公私兩便矣伏候

聖裁

一州縣告有浮糧累民較隣邑數倍存有舊誌可証者雖查有的據猶恐借口減額然此番丈量正爲清欺隱剔包賠苟地少糧多仍舊包賠未去倘止聽州縣查丈安知不徇庇本邑百姓致虧原額錢糧所當另選賢員逐畝清丈如果包賠查實核減如借口減

額並州縣一體叅處則積弊可清伏候

聖裁

以上數件臣到任之初知之不真不敢遽爲

題請今詢諸屬吏訪之士民又親自考古準今斟酌再三
三趨此請展限期之際猶可如法措置乃敢據實入
告總之此番丈量我

皇上念切小民清其欺隱免其包賠令苦樂均沾卽如天
之覆物飛潛動植無不各得其所臣受

恩深重巡撫一方不敢不仰體

天心勉竭愚衷稍效管窺於萬一耳臣謹具

題伏乞

勅部議覆施行

巡撫偏沅等處地方提督軍務兼理糧餉都察院右

副都御史

臣

鄭端謹

題爲微臣詞不達意入

告不明罪當萬死反蒙

天恩寬容感極涕零再瀝愚衷仰祈

睿鑒事

臣

於康熙二十九年三月十五日爲田畝侵隱不

清等事

題請展限內稱有荒有熟州縣恐有欺隱包賠必須丈

量卽全熟州縣有人首告欺隱包賠者亦須履畝清

查若全熟州縣旣無缺額又無人首告欺隱包賠除

已經奉丈者不議外其餘未經丈完者似可免其丈量蓋古今地土只有此數從前代相沿既不缺額又係全熟則不必更張使奸胥猾吏得以借口需索倘百姓情願自繪田形垂爲永業者聽其自行丈量據實報官一體彙作魚鱗總冊等語共條六款一並入告於五月二十六日接戶部咨文爲前事議覆 臣疏內有先據陞任偏撫興永朝因田畝侵隱不清將湖南所屬各州縣田地具題清丈並未稱全熟州縣免丈之處且聽百姓自行丈量則豪強霸占地土不由貧懦管業以致爭告再行丈量或致良善包賠錢糧亦未

可定應將全熟州縣田地仍照前題丈量等因題覆
奉

旨湖南田地前撫興永朝以侵隱不清具題請丈已經部覆允行丈量田地必須不畏豪強不徇情面方得荒熟分明田畝無致侵隱小民無致貽累且侵冒地畝皆係熟田荒田隱占何用今鄭端以全熟州縣免其丈量又請展限具題這本內事情著興永朝明晰議奏欽此欽遵咨移到 臣 跪讀之下不勝惶懼竊思微 臣 條議不明詞不達意宜加重誅乃蒙

聖主格外優容感戴

天恩繼之以泣

臣

生長直隸見直隸地方荒熟分明民間

卽有欺隱亦不過欺隱熟地斷不敢捏熟作荒冒請蠲免孰知湖南積弊實起於捏熟田爲荒田因而減熟田之糧爲荒糧又分其名曰老荒新荒何謂老荒乃明季流賊殘破之後人丁故絕或水冲沙壓或荆棘盤錯非大用工本不能開墾此老荒也何謂新荒吳逆變亂之後將熟田捏報荒田其實非真荒也

臣

前疏原因請展限期帶陳大畧未及詳悉指陳又因捏熟作荒其來已久欺隱包賠弊實相因目今現在丈量從前多報荒田之數可以立清則今日欺隱熟

田之弊亦何難盡見又恐全熟田地有豪強侵占良

善包賠故條議款內又云全熟州縣有人首告者仍

行履畝清查非一槩熟田俱免丈量也至於聽百姓

自己丈量蓋因旣係全熟並無缺額又無人爭告倘

令官丈量勢必委用衙胥圖正弓算書手飲食之費紙

筆之資固所不免且有奸猾之輩暗買弓算書手於

自己田畝少縮一二弓暗加於不知積步算法癡愚

之人則田減而糧亦減田增而糧亦增是從前無人

爭告各安其所有者今弓口一有不清反啓日後爭

告之端矣倘聽其自丈則弓算書手各擇用親信之

人奸猾者無隙可乘固不蒙僥倖之心卽癡愚者有親可信亦不至意外之慮此愚臣一隙之見條議

上請部臣議覆將臣條議中全熟州縣有人首告欺隱包

賠者亦須履畝清查之語未曾議及竟似微臣將全

熟州縣一槩混請免丈矣乃蒙

皇上聖明無微不照知臣愚誠憐臣孤踪不加重誅止令

前撫臣明晰議奏臣感

恩泣下理宜靜聽何敢再瀆

聖聰但臣言未盡臣心不明雖

聖主見察不加臣罪臣亦無地以自容矣謹將未罄愚衷

再一披瀝仰祈

睿慈鑒此蟻誠至於臣前疏共條六件其餘各件雖俱爲

國計民情起見然與臣心跡無甚關碍已經奉

旨著前撫臣興永朝明晰議奏臣何敢再執管見仰煩

聖聰臣謹具

題伏乞

皇上睿照施行

巡撫偏沅等處地方提督軍務兼理糧餉都察院右

副都御史

臣

鄭端謹

題爲科派一日不絕民生一日不安特疏糾叅請

旨嚴究以儆官邪以除積弊事竊照湖南地方自恢復之
後蒙

皇上蠲租免賦漸有起色必須加意撫綏以寬民力然後

生聚教訓而成至治

臣

自到任以來仰體

聖心首嚴加派潔已自矢以身率先又諄諄告誡屬員共
期洗心滌慮以報

皇恩乃不意有恬然不畏明知故犯如湘鄉縣知縣李兆

巡撫偏沅等處地方提督軍務兼理糧餉都察院右

副都御史

臣

鄭端謹

題爲特叅承審遲延司府以儆積玩事案於康熙二十八年十月三十日據衡陽縣民譚廷槐呈告大惡棍王仁綱王天猷等內稱昔年因湖南坐墾之害並逃亡無糧寡丁之累行查請蠲棍等乘機插入除捏墾外矚將成熟錢糧五千一百石零捏以逃荒名色一槩混呈請邀

皇恩浩蕩部覆准豁除棍得此一志交結官長密惑庸衆夤買武生假公濟私指稱部費串通冊蠹侮弊濫派

將捏墾錢糧七千五百石零每石派銀一兩人丁五千三百餘丁每丁派銀三兩稱名曰賣荒合邑算計共銀二萬五千兩有奇如豪猾有銀之大戶翕奸遂慾得荒安然無虞而窮懦疲愚之小民未滿私壑唆府捏比勒卽全完其間或有田產者獻棍求救或有兒僕者獻棍求甦如無田無人稍經慢悞卽杖斃於獄壑者不知凡幾而鬻男賣女者不可勝數蝗

國嚼民驟然富貴詎棍更將所獲之田產糧有三百餘石一旦悉作逃荒吳逆變楚伊又投僞左固山帳下劄領副將幸至恢復投誠漏死又贛青衿將子納監

無異王孫蟻以捨死冒陳頒行清丈荷蒙各憲准行棍畏自難逃罪只得巧推掩非幸蒙前院興大老爺會議

題請孰知棍惡逞恃伊呈所請得意又來魚肉懦民讒誣官長串攝冊蠹更結一黨出頭婪棍自立通縣總都圖正憑報各都姓名扶爲散正衙門百姓是爲壟斷蚩蚩弱民任其調度據棍先後擬派闔邑花名暫備銀三百餘兩以爲打聽調停之用然措銀未必卽有棍稟縣正將四十五都甲總鎖墩局中立比全齊交棍料理仍利大戶豪強便私飛跳將此都里甲直

吞彼都圖內仍蹈田東糧西版圖經界不正逃亡都
甲豈不空懸無田寡丁遺弊仍存虛勞滋費前害如
之若不冒死陳明衡民終陷水火若置此言不足爲
信嚴提四十五都許受八馬得二陳亞一夏興一丘
榮九范祥楊任三湯湧顏十六劉用廖三十五凌相
胡真九何正二羅福九董富劉亞二周華二歐辛三
劉正十三吳江劉子望曾寧表周清易添朝楊得二
蔣貴保倪湯李二十李旻主鄒君慶彭華一屈祥劉
文甫陽受蕭十七劉宗七胡友仁張辛仲吳壯子鍾
玉璽王苟仔譚景先唐隆屈源並許受害諸民人等
赴臺懇訊則棍之塗炭蒼生大千

功令水落石出矣並立如虛甘罪結狀具呈到

臣臣

隨批

行布政司嚴查去後節次行催於二十九年三月初
五日據該布政司申稱該本司查得衡陽縣士民王
仁綱等與譚廷槐互控一案因詞內各犯証共計有
五十九名隨將在長各犯暫發長沙縣收管開單飭
行衡州府拘解各犯証去後續於本年正月二十三
日據衡州府詳稱因各犯証俱有應丈田土或充爲
圖正等役目今部限已迫一經解訊往返月餘恐悞
丈務請將原詞併在長人犯賜發卑府就近審理詳

解本司抄詞行令長沙縣將原收管在長之譚廷槐
王仁綱鍾爾昇劉義等選差管押於二十二日起程
解赴衡州府收管審理今奉行催除一面轉催俟該
府審詳解司覆審另詳報奪外所有此案已經轉發
審理緣由理合聲明等因申文到臣臣復節次嚴催
該司至今仍未審明詳報臣查丈量一案起自衡陽
縣民譚廷槐等具呈陞任分守衡永郴道朱士傑該
道議稱從前之弊莫甚於捏熟糧爲荒糧清丈熟田
之難不若查勘荒田之較易無荒田之可勘則欺隱
熟田之罪難逃遂詳請丈荒隨有衡陽縣武生王仁
綱等呈稱錢糧荒熟混雜苦樂不均哀籲荒熟並丈
前撫臣興永朝遂批云湖南田畝荒熟不清
國民交病本都院久有通查之念將來正圖舉行呈內
情節剴切詳明實從民生利弊起見衡屬夙稱健訟
本都院下車以來可取者止此一呈而已仰布政司
確查報奪因而繕疏入

告內稱舉弓履畝之際或致勞民未敢輕率乃有衡陽縣
民譚廷槐等又有士民王仁綱等先後具詞環庭呼
籲咸稱一勞方能永逸等語是二人者爲闔縣公論
之首卽當行至公無私之事乃敢假公濟私科歛愚

民真情所不容法所難貸自當早正厥辜以儆豪強
以安良善乃該司府承審數月一任檄催竟不究明
詳報遲延之咎不能爲布政使黃性震衡州府知府
崔鳴鶯寬也相應特疏指叅以儆積玩除再檄嚴催
審明另

題外臣謹具

題伏祈

睿鑒勅部議覆施行

巡撫偏沅等處地方提督軍務兼理糧餉都察院右

副都御史臣鄭端謹

題爲府縣徇縱劣衿科歛已有實據特疏糾叅以正官
常以懲豪強事康熙二十九年六月二十六日據衡
州府知府崔鳴鶯常德府同知孫調鼎會詳等因呈
詳到臣該臣看得衡陽縣民譚廷槐將武生王仁綱
等於康熙二十八年十月三十日具控到臣並其互
訐各款俱批布政司嚴查速報節次行催於二十九
年三月初五日據該司申稱王仁綱等與譚廷槐互
控一案行衡州府拘解各犯去後續於本年正月二

十三日據衡州府詳稱各犯俱有應丈田土一經解訊恐悞丈務請發卑府就近審理詳解本司抄詞將譚廷槐王仁綱等押解赴衡州府審理另詳報奪等因申文到臣復節次嚴催至本年六月初十日仍未審明詳報臣隨摘錄譚廷槐所告王仁綱原詞情由具有特叅承審遲延司府以儆積玩事一疏將布政司黃性震衡州府知府崔鳴鶯遲延職名開列

題叅六月十二日據該司申稱王仁綱等與譚廷槐互控一案先據該府詳請就近審理本司已抄詞發審疊次檄催迄今五閱月餘並無隻字報聞今始詳請

寬限及披閱詳內王仁綱本名下田地山塘復委照磨余素帶同譚廷槐等役協丈因禾苗在田難以施弓等語但查該縣田畝已據報竣是王仁綱田畝係已丈過在先矣今復委官丈量不獨又一番多事且聽奸棍詭計賄囑寬限希圖緩局等因申文到臣

閱之不勝駭異該府前因各犯俱有田土恐解訊有悞丈務詳請就近審理既經發審自應及時完結乃遷延數月並不審理及至屢檄嚴催始借口禾苗在田請寬限期且衡陽縣田畝已經報完則王仁綱之果否欺隱宜有成案可稽乃又稱委員丈量前後情

詞互異恐有徇庇情弊隨委在長沙值季常德府同知孫調鼎前赴衡州府與該府會審去後今據該府廳審得廷槐所控仁綱賣荒等事已歷二十餘年無案可稽且無被害人出質難以深求至仁綱欺隱熟糧三百餘石據供本甲原有田糧一百零九石又自首糧一十八石一斗自首之外有無欺隱必俟衡陽縣丈後始成確案惟控仁綱自立總都圖正派闔邑銀三百餘兩據里戶楊任三卽楊隆坤等供稱衡邑有四十二都每都初次派銀三兩二次派銀二兩共五兩合計銀二百一十兩里戶交與圖正圖正交與

王仁綱并據彭華一等衆口一詞仁綱初猶推委再質之圖正歐達生賀愛明供証皆同仁綱始認爲置弓開局買紙造冊僱人食用等費臣查仁綱既有田

糧又爲首事請丈之人自應靜聽查丈乃謀立總都圖正科歛各都銀兩撥制縣令爲之徵比是誠何心且仁綱既有欺隱當請丈之時卽宜豫先首明乃遲之又久恐人攻發方首糧一十八石以爲掩飾耳目之計又自作總圖正一縣丈務俱其料理卽再有欺隱彼散圖正自然互相隱瞞誰敢從公開報今據該府廳會詳亦曰有無欺隱必俟衡陽縣丈後始成確

案不知衡陽縣丈務業已報完可見仁綱田地從前並無印官履畝親丈任其自開弓口自作畝數可知矣湖南文風不振仕宦絕少豪強之輩大約劣矜上棍爲多如仁綱者能令縣官爲之科派爲之追比其黨羽聲勢槩可知矣獨是知縣姚克欽身爲縣令不思抑強扶弱潔已奉公乃私發諭帖請劣矜爲總都圖正又與各里公議科派立局追比兩次苛斂衆証鑿鑿雖丁憂去任而蕩檢敗閑溺職之罪卽百喙亦難以自解也至於衡州府知府崔鳴鶯始而自行詳請就近審理繼而借口遷延不肯執法嚴究又不將

知縣姚克欽豫先揭報及至委員會審方將科派情由一同具詳徇庇之情顯然無疑矣除將衡陽縣田地有無丈完府縣所報互異情由及仁綱所供延槐有無糧田在崇光一圖是否欺隱行布政司一併查丈明白並將人犯發按察司再按款嚴究招擬詳報另疏具題外所有該府縣徇庇溺職情由臣謹據實題叅至於布政司黃性震雖遷延不行催審轉詳今將知府崔鳴鶯詳請寬限希圖緩局等情據實申報應否寬處統聽部議伏乞

睿鑒勅部分別查議施行

巡撫偏沅等處地方提督軍務兼理糧餉都察院右

副都御史

臣

鄭端謹

題爲薦舉必不可停事案准吏部咨司道府州縣正佐
教職等官照例二年舉劾一次其有舉無劾者將所
薦官員不准等因奉

旨依議通行欽遵在案今康熙二十九年又當按期舉行
竊惟進賢退不肖者

朝廷之大權舉直錯諸枉者聖人之至論舉一人而衆人
皆知向善則舉一可以勸百劾一人而衆人皆知悔
過則劾一可以懲百故不必泛求其多而惟思慎取

其當臣自履任以來仰遵我

皇上澄清吏治之意將大小屬員虛心體察驗其言行相應輿論相合者觀聽日久始得其真乃敢定其優劣以爲去取除溺職應劾者另疏

題叅外至於應登薦章者查有常德府知府劉崑昔當吳逆變亂守志不屈忠節已達于

聖聰今承方面重寄正已率屬廉明復剋於群吏允當首舉以備優擢但有接緝謝子文案內叛犯萬人傑未獲於定例有碍不敢列之正薦其餘間或有志爲善而初終難保臣亦未敢遽信倘果操持不改著有明效容當隨時隨事擇其真而可信者另疏奏

聞以鼓良吏至於求諸目前惟有常德府同知孫調鼎臣前爲湖南臬司今復蒙

特恩巡撫偏沅調鼎俱爲屬吏歷時最久知之最真年方少壯恂恂忠實既不輕浮亦不躁妄署篆而士民無擾值季而訟獄稱平真府佐中之循良者也今據布政使黃性震按察使線一信岳常道劉維禎常德府知府劉崑開報合諸臣所目見耳聞者謹將本官事實臚列爲我

皇上陳之

計開

應薦府佐官一員

常德府同知孫調鼎事實

一本官從不擅受民詞發審案件隨到隨結
並無拖累亦無酷刑

一本官耑司水利武陵東西二路堤埝每年
督工加修穩固無虞才能稱職

一本官於康熙二十七年九月內奉委兼攝
龍陽縣事至二十八年四月內卸事止任
內徵收錢糧革除火耗嚴絕私派每月朔

望督率鄉耆宣解

聖諭教化興行

一本官於康熙二十八年五月內奉調長沙
承審

欽部案件詳慎平允並無濫枉

一本官於康熙二十八年十月內奉委署理
長沙府篆清廉愛民不受屬官餽送亦不
私派百姓闔郡無不感誦

一本官自到任以來日用一切米蔬薪水等
項槩發現錢平買從不賒取行戶虧短價

值

一本官署理府篆時舉行月課考取至公士子無不悅服

此一官者勤慎素著刑清政理和厚居心士懷民悅急宜薦舉以備擢用者也臣謹具

題伏乞

勅部議覆施行再照定例內開如薦舉官員有曾干錢糧盜案者應不准行等語查同知孫調鼎雖兼攝長沙糧捕時曾有寧鄉縣城內失盜一案但獲賊已經過半例得免議故難以纖瑕而掩其全瑜也合併陳明

巡撫偏沅等處地方提督軍務兼理糧餉都察院右

副都御史臣鄭端謹

題爲薦舉必不可停事案准吏部咨司道府州縣正佐教職等官照例二年舉劾一次其有舉無劾者將所薦官員不准等因奉

旨依議通行欽遵在案竊惟兩載課吏激濁與揚清並行按期舉劾勸善與懲惡同施蓋清者旣揚而濁者不激僅可以勵賢智善者雖勸而惡者不懲亦不足以儆愚不肖臣自履任以來仰體我

皇上仁恩如天萬物並育之意嚴以克己恕以待人原欲

大小屬員相觀而善以爲省事寧人之本孰知人心不古利令智昏必須震其如聾如瞶方可望其革面革心如科派累民之湘鄉縣知縣李兆仁業已立刻糾叅不敢寬待與夫再有蕩檢敗閑隨事發覺者不時另行指叅外茲當舉劾之年再加細心體察分別澄叙並令司道各就所真知確見者從實開列去後茲據布政使黃性震按察使線一信長沙府知府劉承家之揭報與臣所訪聞無異除應薦賢員另疏具題外今有貪婪昏庸之湘潭縣知縣張天士劣蹟謹臚列爲我

皇上陳之

計開

應劾有司官一員

湘潭縣知縣張天士劣蹟

一本官聽信工房劉三書差頭張瑞楊啓借解京桅杉木植運費名色科派六七八三甲現年里長每糧一石派銀三分共糧四千五百餘石約派銀一百三十餘兩差役現在歛收怨聲載道里民郭金澤陳又一等証

一本官聽信蠹書史帝載楊介撥制簽差張
瑞劉遠驅逐娼婦各蠹得銀一百二十兩
始稟銷簽仍舊容畱娼戶吳鳳彩曹鳳先
等証

一本官昏庸已甚聽斷無能以致百姓有堂
上一木偶是非曲直難分割之謠

此一官者不念官箴瀆貨無厭藉運費而科派民財
因驅娼而縱蠹索詐物議沸騰穢蹟彰著所當特疏
糾叅請

旨革職與有名蠹役一併提問究擬者也

臣謹具

題伏乞

勅部議覆施行

巡撫偏沅等處地方提督軍務兼理糧餉都察院右

副都御史

臣

鄭端謹

奏爲仰懇

聖恩俯允

陛見親承

天語指授要畧以開愚昧事康熙二十九年七月十六日

准吏部咨爲請

旨事文選清吏司案呈奉本部送吏科抄出本部題前事

康熙二十九年六月十六日奉

旨鄭端調補江寧巡撫應兼職銜爾部議奏欽此欽遵抄

部送司相應行咨爲此合咨前去煩爲欽遵查照施行等因到臣臣卽恭設香案望

闕叩頭謝

恩另疏奏

聞外伏念臣自

皇上南巡駐蹕金陵得瞻

天顏犬馬戀

主之心無時不積於懷止因遠在南服不得與在

廷諸臣効疏附奔走惓惓仰慕之誠日切一日今又蒙

特恩獨出

聖裁調補臣江蘇巡撫竊思江蘇地方乃

皇上翠華臨幸之地其人心風俗物力財用無一不在

睿鑑之中至於人心如何正風俗如何變物力如何養財

用如何節以及軍民如何調濟吏治如何澄清臣實

昧昧無所知識我

皇上恩同覆載明並日月容臣親到

丹陛敬聆

聖誨如時行物生萬類昭蘇臣之愚蒙可以頓開卽犬馬

戀

主之心亦得以自慰矣臣謹恭疏

奏懇伏乞

睿鑒俞允施行

巡撫偏沅等處地方提督軍務兼理糧餉都察院右

副都御史

臣

鄭端謹

奏爲恭謝

天恩事康熙二十九年七月十六日准吏部咨爲請

旨事文選清吏司案呈奉本部送吏科抄出本部題前事

康熙二十九年六月十六日奉

旨鄭端調補江寧巡撫應兼職銜爾部議奏欽此欽遵抄
部送司相應行咨爲此合咨前去煩爲欽遵查照施
行等因准此全日又准吏部咨爲題明兼銜事文選
清吏司案呈奉本部送吏科抄出本部題前事內開

該臣等議得鄭端係現任偏沅巡撫兼都察院右副都御史今既調補江寧巡撫應仍以都察院右副都御史總理糧儲提督軍務巡撫江寧等處地方任內有紀錄三次未滿罰俸五年六個月應仍帶於新任康熙二十九年六月二十二日奉

旨鄭端仍以都察院右副都御史總理糧儲提督軍務巡撫江寧等處地方寫勅與他其未滿罰俸著免帶於新任餘依議欽此欽遵抄部送司相應行咨爲此合咨前去煩爲欽遵查照施行等因咨移到臣欽此臣隨恭設香案望

闕叩頭謝

恩訖伏念臣本章旬腐儒學疎才淺前任安徽布政使惟知硜硜自守不覺事多違例纍案叅罰不一而足乃恭遇

皇上南巡不行黜幽之典反弘使過之仁

特陞偏沅巡撫到任將及周年並無一長足錄潔已奉公不過臣子職分之常循規蹈矩亦僅俗吏能爲之事自慚儒教有虧明體適用之學未講更兼政治未嫻隨機應務之畧多疎幸而偏沅事簡不及大省之半微臣亦順而無擾與之上下相安所慮者才識短淺

不能勝任每思引退以避賢路乃驚聞

新命調補江蘇竊念江蘇財賦重地繁劇十倍偏沅非精明強固之人不能治理且人心風俗又與北地不同臣乃燕趙鄙人孱弱書生既乏四應之才亦無交遊之助止知自信不肯徇人當此重任能不戒心所恃者

皇上聖明無微不照知臣苦志憐臣微勞既開自新之路

復與養廉之資雖祖父之於子孫其體悉亦未必至

此臣何人斯受此殊

恩惟有益堅晚節仰答

高厚公而忘私

國而忘家以圖報稱於萬一耳除離任日期另疏

題報外臣謹恭疏奏

謝伏乞

睿鑒施行

巡撫偏沅等處地方提督軍務兼理糧餉都察院右

副都御史

臣

鄭端謹

題爲恭報微

臣

離任日期仰祈

睿鑒事康熙二十九年七月十六日准吏部咨爲請

旨事文選清吏司案呈奉本部送吏科抄出本部題前事

康熙二十九年六月十六日奉

旨鄭端調補江寧巡撫應兼職銜爾部議奏欽此欽遵抄

部送司相應行咨爲此合咨前去煩爲欽遵查照施

行等因准此該

臣

查得定例內開巡撫離任事務送

總督署理今新任撫臣係湖北藩司陞任似乎可以

不拘舊例徑送交代但經管錢糧衙門造冊查盤尚須時日應否遵照定例抑或直送新撫臣咨商督臣去後今於本年七月二十一日准總督臣丁思孔咨覆內稱湖北藩司業經報陞偏沅巡撫就近接理與別省陞任者不同所有一切事務應徑送新院交代等因咨移到臣該臣謹將原領

欽頒巡撫偏沅關防一顆

王令旗牌八面副并文卷等項委令常德府同知孫調鼎臣標中軍遊擊陳義於七月二十七日賞捧前赴湖北交新任撫臣接受臣隨於是日離任自長沙府

起行查江南太平府距

京師路程較之湖廣武昌爲尤近且係上江所屬地方尚未入臣新任撫屬界內計日數程臣到太平之日前懇

陛見一疏可以

命下由江北星馳前進十數日即可直達

帝都早瞻

天顏犬馬戀

主之思得自慰矣除臣原領

勅書另疏恭繳外所有微臣離任日期理合具疏

題報伏乞

睿鑒勅部查照施行



